

正定縣志

671.1333

078

:14

正定縣志卷四十四

列女

舊志所載題請旌表者方得入傳義取核實條例森嚴意固有所當也然貧家寒族呈請無人得邀旌表者有幾人哉茲則寬爲錄取庶幾幽光潛德不至湮沒無傳亦以維持風化云爾又名宦及人物生存者概不入傳論定須待將來惟守節過三十年逾六十歲亦得附入而事必核實不敢有所濫庶不至多所遺也

三國魏

王經母

經爲江夏太守忤曹爽棄官歸母問歸狀經以實對以經典兵馬而擅去送吏責之爽聞不復罪經母常謂經曰汝田家子今仕二千石物太過不祥可以止矣經不從坐高貴鄉公事被繫辭母母顏色不變曰人誰不死往所以止汝者恐不得所也以此亡命何恨之有哉

晉

邵女

劉遐妻邵續之女曉果有父風遐嘗爲石季龍所圍邵將數騎出遐於萬衆之中及田坊等欲爲亂止之不從乃密起火燒甲仗都盡

北魏

房氏

魏溥妻父堪爲慕容垂貴鄉太守女幼有烈操年十六適溥溥遭疾將卒以母老子矇眇爲恨房氏垂泣而對曰幸承先訓出事君子義在偕老不獲所願命也夫人在堂幼子襁褓願以身當少慰長往之恨俄而溥卒房氏操刀割左耳投棺中曰鬼神有知相期泉壤流血滂然助喪

者皆哀懼姑劉氏輟泣曰新婦何至於此房對
曰新婦少年不幸深慮父母未量至情持此自
誓耳聞者莫不感愴於時子緝生未十旬鞠育
於後房之內未會出門終身不聽絲竹不預坐
席訓導有母儀法度緝所交游有名勝者則身
具酒食有不及已者輒屏卧不殮須其悔謝方
食年六十五而終緝子悅爲濟陰
太守吏民立碑頌德蓋本母教云

五代梁

賈氏

父章爲鎮州指揮使安重榮殺章誣以反女尙
幼欲捨之女曰吾家三十口皆遭兵存者惟吾
與父耳父死吾安
忍獨生并殺之

金

烏古倫氏

伯祥之妹臨洮總管陀滿胡土門之妻伯祥
在朝貴中聲譽藉甚土門死王事崔立之變
婦女多爲所污烏古倫曰吾夫不辱朝廷
我敢辱吾夫及吾兄乎卽自縊一婢從死

元

蘇氏

武用妻徙家京師用疾氏刲股爲粥以進卽愈生子德政四歲而寡夫之兄利其資逼嫁之不聽未幾兄舉家歿惟餘三弱孫蘇氏取而育之及德政長醇謹事母以孝聞詔旌表其門

明

周氏

夫死自縊殉葬詔旌其門

馬氏

李廷實妻廷實以國子生在京聽選選令未之任病卒於京氏哀慟觸壁碎首與夫同死

胡氏

庠生李綸妻十九于歸未二年綸病篤氏知不起誓與同死潛自飲毒家人覺之救得解其志終不可奪

復飲藥卒

施氏

正定衛百戶何毅妻年二十一生子甫一歲毅死哀慟水漿不入口欲自殺姑知有孕力阻乃免後生子親戚憐其少諷之他適氏曰夫亡子幼皤皤黃髮年老無依可適人乎遂奉舅姑以

終撫二子至於成立年六十二歲事聞旌表

劉氏

崔朝妻朝卒氏年二十五生子世高甫八月誓不再嫁教子成立孀居五十餘年撫按旌其門

吳氏

參將梁心妻心於萬厯二十四年忤礦使被逮羈囹圄中氏年二十四垂涕飲慟鬻簪珥以給

夫用躬勤紡績事孀姑倍謹及心歿哀慟餘生冰操自矢茹荼撫諸子寒暑無間一室孤燈五

十年如一日宗族閭里咸稱節孝各院屢旌其門

張氏

王慶妻慶卒年二十三以死自矢教子成立清操不變撫按旌其門

崔氏

苗通妻夫亡守節歷久不渝弟梅亦早死弟婦張氏清操自矢奉詔旌其門

賈氏

戶部尚書應春女年十七歸監生賀容甫二年容卒氏本宦家飲荼茹藥甘之如飴年八十三卒

馮氏

梁世宦妻幼有志操通孝經內則諸書于歸三載舉子師孟逾月而世宦病氏籲天願以身代

夫卒不起哀慟欲以身殉姑王氏力解之忍死稱未亡人執婦道甚謹育子慈嚴並至師孟補諸生有聲迨年六十餘詔旌表之

張氏

戶部郎中體乾女生員何自新妻二十三歲孀居年逾七十持家有法教子勤嚴卒以成名人謂冰操熊丸一身兼盡

馬氏

左自友妻十八歲孀居誓不再嫁撫遺腹子成立年八十餘卒

馬氏

趙朴妻朴卒其孀利其有逼再嫁自刎以殉知縣呂一奏為傳墓表

李氏

藥城禮科給事中李冲奎女生而明慧及長識大義通文翰適官生梁思斂約不異寒素思早卒子維基方六歲氏撫孤守節三十餘年躬勤操作門庭蕭然事舅姑孝養備至年六十餘歲卒維基官郎中贈氏宜人知縣

蘇繼歐以純孝完節旌其門

許氏

王兆甯繼妻兆甯早卒氏年甫二十事姑盡孝撫前室遺孤鍾龐愛與勞俱鳴機佐讀每至夜

侯氏

分不倦後以子貴受封荆布依然閨門之內
和藹尤至人無間言天啟中縣令旌其門
趙九經妻十八歲于歸家甚窶甫二年經卒探
藿拾薪以事孀姑數月後遺腹產一男撫孤子
事老親自食其力四十餘年

劉氏

徐恭敬妻二十四歲夫亡遺孤延年尙在襁褓
哀慟誓死不食者累日親戚攜孤氏前多方勸
慰強飲水數口以延旦夕越後徐進飲食俯仰
交責始毅然爲門祚之計後諸孫皆成名曾孫
亦相繼成立五代共爨皆氏貽謀之善也守
節七十餘年享年九十三歲臺使屢有題旌

李氏

適中丞楊綵四子德輔輔早亡遺子光顯甫三
歲宦業蕭條氏不辭艱苦晝夜紡績誓以課子
成名爲已任清操四十餘年光顯雖入泮
猶時以顯親揚名勗之年歷七十三勿倦

劉氏

官生許其德妻舉人劉燦女性端誠嫻靜奉姑
孝謹其德爲父營葬卒於京邸氏聞之死而復
甦者數次妯娌輩勸之始爲加餐子一孫一俱
早卒撫兩幼孫女閉戶不出者三十餘年逾七

十而卒

周氏

舉人黃明珍繼室二十二歲夫卒遺前室子京俊尙幼穉氏有遺腹日夜悲號不食翁姑撫之曰兒亡膝下孤兒賴汝撫育若天祚吾家遺腹復生子大黃氏者將在汝矣無庸自苦且有吾在忍令汝失所乎氏感泣矢志靡他及產果男也與姑同心鞠育視前子無異已出俊能讀父書補諸生氏苦節三十餘年鄉隣皆稱賢母云

崔氏

光岱女年十五適庠生安皇祚三年祚故遺孤嘉運呱呱在抱垂白母奄奄在堂氏仰事撫畜不異祚存日歷三十餘年子克成名姑克終事皆氏孝慈之力也

李氏

吳銓妻銓死不嫁家甚貧窶茹藥苦守紡績易米以奉舅姑餘市書訓子峩蔭後入邑庠孀居四十餘年

王氏

崔均妻均與兄堦甫析居廬舍未定卽故周歲子三錫早夜紡績四十餘年

蘇氏

而營創於北關故居甲第一新旋遭兵燹又移城中卜築更壯人以爲女中丈夫董都妻府庠守廉女幼習女誨慕效前徽都卒母老子幼家無叔姪可依蘇工針指勤紡績孝姑育子三十年如一日祥既有聲庠序熊丸之教勿輟直指使旌其門

王氏

衍範女範原籍河南崇正間入徐撫幕挈子女移家正定爲人姦貪無行曾以女許同里張氏子值中州寇變張子挈重囊依其家匝歲範侵蝕殆盡遂寒盟逐張於外女甫髻年憤懣不平潛遣侍兒遺張金令白之官張懼範慮爲所箝竟通他鄉女計無復之旋自縊甲申之變徐撫遇害賊黨首誅衍範暴其屍於市人以貪殘之報而女之貞烈自是卓然千古矣

崔氏

錦衣千戶梁維大妻維大卒氏年二十四柏舟自矢茹藥飲茶三十餘年如一日至六十八歲卒撫按旌其門

馬氏

梁清宣妻靈壽大司馬從聘孫女十六于歸恪遵婦道宣癘疾卧床氏調護備至願以身代因

憂瘁成疾夫沒氏拊心泣血粒米不進惟求相
從於地下越數日病增劇謂姑曰婦今愜所願
矣語竟而瞑有司

以事聞旌表其門

梁氏

刑科給事中梁維本女生而貞靜不苟言笑十
六歸中書舍人王原撫事舅姑以孝聞姑歿事

祖母尤謹晨夕視寢膳無少懈撫前室女如己

出雖出名門蕭然荆布里中稱少君德耀焉崇

正甲申隨夫寓居京邸值逆闖西遁氏偕夫妹

暨祖母避難出都城羣盜擁至氏誓死不辱顧

夫妹曰我死汝能從乎姑曰有同心也適道旁

有井氏曰清水皎潔吾與姑得死所矣遂拜辭

祖母與姑攜手投井數日後顏色如生遠近聞

者莫不悲之巡按御史嘉其貞烈題請旌表

王氏

內院典籍王鍾麗女年十二端莊貞靜未嫁
值寇變與嫂梁氏同投井死人稱為雙烈

安氏馬應宗妻

王氏張輔妻

耿氏董仲敏妻

張氏吳九州妻

趙氏燕雲妻

焦氏吳起鳳妻

黃氏霍自孝妻 譚氏何其介妻 王氏高守謙妻

盧氏張氏俱范宗淹妻兩院旌一門雙節

以上諸氏皆守節完貞者今依舊志纂入惜事迹
不傳無從立傳

國朝

王氏

楊殿臣妻于歸二載夫歿氏悲慟欲絕事舅姑克盡婦道撫育遺孤殷勤訓迪和九晝荻有古賢母之風康熙六十年旌表

胡氏白光連妻 何氏李 萇妻

劉氏王叔漢妻 王氏杜益桂妻 魏氏劉元祖母

以上五氏事迹未詳

孫氏

監生許偉楠妻年十八適偉楠甫一歲夫故哀

勵幾絕以舅姑諭強起撫孤比長脫珥解襦以供修脯後子重輝入泮氏足迹從不出

李氏

戶外宗族稱賢母焉雍正三年題旌

庠生許偉樟妻于歸八載夫亡誓不他適教子重燿嚴酷暑嚴冬必紡績課讀後入邑庠雍正三年題旌

嚴氏

把總梁宦光妻年十七于歸未三載夫故事姑盡孝春秋祭祀豐潔繼姪承祧撫育無異已出教讀書日就外傳夜親課之氏本宦媛而勤儉自安閨門嚴肅足蹟不出戶外雍正三年題旌

何氏

庠生梁準妻年十四于歸十九夫歿子女一無所出上奉祖姑生養死葬如禮未殯七喪並安厝之立姪昇俊為嗣守節四

十餘年雍正三年題旌

王氏

吳富福妻結褵後生二子夫歿氏紡績佐讀二子英年俱游庠序遠近皆稱其賢雍正三年

旌表

馬氏

庠生韓纘祖妻結褵未十載夫故氏貞操自矢事繼姑恪循婦道教子成名登賢書雍正三年

旌表

胡氏

萊陽知縣陳際顯妻副使胡麟孫女也年十七于歸隨夫任山左崇正十六年萊城陷際以

身殉氏哀慟幾絕引刀自決侍兒急救之血淋漓下舅姑執氏手流涕曰汝夫暴死城頭吾二

人垂老婦殉終身並作他鄉鬼耳氏聞之力創收

夫屍歛焉已乃扶輓旋里甲申之變廬井為墟

氏與夫弟泰際保聚家室不以颺搖風雨貽堂

上老人憂當夫殉難時年二十一氏亦甫笄貞

操自矢艱苦備嘗歷數十年如

一日雍正五年事聞旌表

梁氏

牛元澍妻年二十九夫亡家甚貧窶事姑盡孝姑卒殯葬盡禮紡績積貲課週歲子成立入泮

卒年六十六雍正六年旌表

石氏

白光遠妻年十八于歸甫五載夫病革命之曰汝方娠生男則守生女則嫁氏唯唯流涕夫歿

幸生男氏柏舟自矢撫育成人白氏

宗祧賴以不墜雍正六年旌表

王氏

許濬妻年十八適濬未十載濬病醫藥鮮效氏對夫自誓曰妾身子女俱無二親年老當繼君

志晨夕侍奉以終餘年夫卒代夫事親

備極誠孝始終不渝雍正六年題旌

張氏

劉福妻年十六適福靜好九年福遘疾氏哀籲於天願以身代未幾夫卒奉姑盡孝矢志靡他

倚繼子以終天年

雍正六年旌表

沈氏

張士德妻年十四適士德甫四歲夫歿翁姑年邁家甚貧二舖不繼氏日勤紡績以代子職撫

養嗣子無異已出訓之

成立雍正六年旌表

安氏

王景賢妻年二十九景賢亡哭淚成血誓以身殉親隣以上有翁姑及祖姑下有孤子爲勸遂

矢志守貞仰事俯育竭盡心力苦

節至六十歲雍正十年旌表

鄭氏

順德府教授吳宗伯之側室也年十五于歸柔順溫和不事夫奉嫡皆得其歡心夫故時氏年二

十七遺孤二皆氏所出長七歲幼五歲氏剪髮自矢以撫育為任長男娶媳相繼亡氏備歷艱

辛數十載無怨言鄉隣莫不稱歎乾隆二年題旌

王氏

生員高崇文妻守備原陞女年二十一于歸明大義事親孝夫故氏年二十三冰霜自矢立嗣

以延宗祀子遜奇河南撫標守備乾隆二年題旌

李氏

趙之屏妻年十六于歸三載夫故未幾翁姑又相繼亡氏竭力以營殯葬夫妹方三歲一女尙

在襁褓皆扶持成人吉凶大事並氏十指之貲所出乾隆二年旌表

殷氏

谷進獻妻年十九于歸未三載夫故撫育遺孤教養備至鄉里共稱女宗乾隆二年旌表

沈氏

王之綬妻于歸七年夫故氏哀慟幾不欲生親族勸以勉事翁姑乃飲泣以貞操自矢盡誠孝

養遺孤七歲殷勤紡績撫養成入親黨以賢節稱之乾隆二年題旌

李氏

吳方升妻年二十九夫故事舅姑晨昏定省孝養備至教子入庠乾隆二年旌表

屈氏

庠生容有度妻夫故子丕華丕藻俱幼支持家計克儉克勤喜延名師以教子孫七十五歲卒守節四十餘年丕藻弱冠

魏氏

容有章妻魏際可女也十八歲于歸逾年夫故無子撫姪丕欽成立得入武庠府教授李旌

許氏

以徽揚彤管區鄉人又以苦節可貞匾褒之四十九歲卒守節三十年

容氏

文童容丕藻妻二十六歲夫故子監生澣方七歲上孝於姑下慈於子矢志靡他孫五人俱撫育成立卒年五十

任氏

童生何世瑜妻庠生有度女廩生潤德母二十歲干歸二十九歲夫故奉恤緯之姑承歡養志事失明之祖盡慎竭誠現年六十六歲

容清妻廩生任善俊女二十四歲夫亡無子女尙在襁褓撫養成立出閨後三年亦亡